



CONCELLO DE SADA

Edificio municipal de uso administrativo
Avda. da Mariña, 25
15160 Sada
(A Coruña)
Tfno.: 981 620 075 Fax.: 981 621 274
<https://sede.sada.gal>

Expte. núm. 2025/G003/000269

RESOLUCIÓN DA ALCALDÍA. (Aprobación das bases reguladoras do Concurso de disfraces do Entroido en Sada 2025 - Martes 4 de marzo)

ANTECEDENTES

1. Providencia de inicio, de data 22.01.2025 para organizar un concurso de disfraces dentro do Entroido en Sada 2025.
2. Memoria xustificativa recollendo as características do concurso e os custos relacionados.
3. Proposta de bases reguladoras da convocatoria.
4. Certificados de existencia de crédito e informe de fiscalización da Intervención Municipal, do 07.02.2025, no que se fiscaliza de conformidade o expediente.

Por todo canto antecede, esta Alcaldía

RESOLVE:

Primeiro.- aprobar as bases reguladoras e convocar o Concurso de disfraces do Entroido en Sada 2025.

Segundo.- autorizar o gasto total por un importe máximo de 5.850 euros, que se financiará con cargo á aplicación orzamentaria 338.22626 do Orzamento Municipal 2025.

Terceiro.- publicar as bases reguladoras na Base de Datos Nacional de Subvencións e publicar as bases e o seu extracto no Boletín Oficial da Provincia da Coruña e na páxina web municipal, co texto que segue:

«BASES REGULADORAS DO CONCURSO DE DISFRACES ENTROIDO EN SADA 2025

1. QUE PROPOÑEMOS?

Para celebrar o Entroido en Sada propoñemos organizar un concurso de disfraces o martes 4 de marzo, organizado pola Concellería de Cultura e Normalización Lingüística dentro da programación do *Entroido en Sada 2025*.

O concurso rexerase polas cláusulas destas bases reguladoras.

2. QUEN PODE PARTICIPAR?

- 2.1. Poderán participar todas aquelas persoas e colectivos que o desexen, sen límite de idade.
- 2.2. As persoas concursantes deberán desfilar polas rúas do centro urbano de Sada, segundo o percorrido que proporá a organización, amosando os seus disfraces ao público e ao xurado, exhibindo as coreografías e a animación musical que acompañen a súa proposta.
- 2.3. O concurso organízase en 3 categorías: MINI, GRUPOS, CARROZAS, optando a 3 premios en cada unha delas.

3. COMO ME PODO INSCRIBIR?



CONCELLO DE SADA

Edificio municipal de uso administrativo
Avda. da Mariña, 25
15160 Sada
(A Coruña)
Tfno.: 981 620 075 Fax.: 981 621 274
<https://sede.sada.gal>

- 3.1. Poderás inscribirte (ou inscribir ao teu grupo) cubrindo un formulario, no que se recollerán os datos necesarios, como título do disfrace, número de compoñentes, a categoría, a temática dos disfraces ou os datos da persoa que actúa como representante, entre outros.
- 3.2. O formulario estará deseñado para cubrir directamente en liña, dende a páxina web municipal (www.sada.gal).
- 3.3. Nos casos dos disfraces colectivos, no propio formulario de inscrición deberás facilitar os datos de ata un máximo de 10 participantes do grupo e designar a un deles como representante, aos efectos do cobro dos posibles premios que poidades gañar. A persoa que designedes como responsable, no caso de que gañedes algún premio, deberá presentar un certificado bancario da conta na que debamos realizar o ingreso dos importes, facéndose cargo a partir dese momento da xestión do premio.
- 3.4. As formacións que necesiten música de acompañamento deberán comunicalo a través do formulario e deberán portar os seus propios equipos de amplificación ou os instrumentos necesarios.

4. QUE PRAZO TEÑO PARA INSCRIBIRME?

- O prazo de inscrición abrírase o día seguinte ao da publicación destas bases no Boletín Oficial da Provincia da Coruña e informarase dende a páxina web municipal (www.sada.gal).
- O prazo de inscrición finalizará o venres 28 de febreiro de 2025 ás 14:00h.

5. EN QUE CONSISTE O CONCURSO?

- 5.1. As/os participantes inscritas/os no concurso de disfraces achegaranse ao punto de inicio do desfile, que será anunciado con anterioridade pola organización a través da web www.sada.gal e dos perfís municipais nas redes sociais.
- 5.2. Haberá que participar no desfile, realizar todo o percorrido para amosar o disfrace, representar a posta en escena que acompañe, realizar as posibles coreografías, bailes ou cancións preparadas, así como interactuar co público asistente.
- 5.3. Unha vez iniciado o desfile, un xurado valorará os disfraces ao longo do percorrido, fixándose na posta en escena en xeral e na animación festiva dos participantes.
- 5.4. Poderás concursar nunha destas 3 categorías:
 - MINI (ata 4 compoñentes)
 - GRUPAL (grupos de persoas disfrazadas coa mesma temática cun mínimo de 5 compoñentes).
 - CARROZAS (agrupacións con disfraces dunha mesma temática que incluírán plataformas móbiles autopropulsadas ou remolcadas, adornadas conforme á temática escollida polo grupo de participantes e relacionada cos seus disfraces).

En cada categoría outorgaremos 3 premios que serán detallados no punto 7 destas bases. Cada participante poderá concursar nunha única categoría.

- 5.5. Todas as persoas participantes menores de idade deberán contar con autorización materna/paterna ou de titor/a ao cargo. Esta automatización requirirase no formulario de inscrición.
- 5.6. O xurado disporá do tempo do desfile, representación e exhibición sobre o escenario para realizar a valoración dos disfraces inscritos ao concurso.



CONCELLO DE SADA

Edificio municipal de uso administrativo
Avda. da Mariña, 25
15160 Sada
(A Coruña)
Tfno.: 981 620 075 Fax.: 981 621 274
<https://sede.sada.gal>

5.7. O resultado das votacións farase público á finalización do desfile, representación e exhibición sobre o escenario, tras da suma das puntuacións recollidas nas táboas de valoración do xurado.

6. QUEN SERÁ O XURADO E QUE VALORARÁ?

6.1. O xurado estará composto por persoas vinculadas ao departamento de Cultura do Concello de Sada, sendo nesta caso:

- Concelleiro de Cultura e Normalización Lingüística
- O Coordinador de Actividades Xuvenís
- O Animador Sociocultural
- O Técnico en Animación Sociocultural

6.2. O xurado fará unha valoración de 0 a 4 puntos dos diferentes aspectos, de forma que:

- 1 punto: conseguido de forma escasa
- 2 puntos: conseguido de forma suficiente
- 3 puntos: conseguido de forma notable
- 4 puntos: conseguido de forma extraordinaria

Aspectos a valorar nas categorías **MINI e GRUPAL**:

A. ORIXINALIDADE (do 1 ao 4)

Criterios avaliáveis: creatividade e capacidade de sorprendre á hora de elixir e deseñar o disfraz

B. CONFECCIÓN DO DISFRAZ (do 1 ao 4)

Criterios avaliáveis: habilidade á hora de confeccionar o disfraz de maneira precisa detallada, utilizando diversas técnicas e/ou materiais e grao de elaboración propia/artesanal.

C. MAQUILLAXE E/OU ACCESORIOS (do 1 ao 4)

Criterios avaliáveis: destreza á hora de elaborar a maquillaxe acorde ao disfraz e elixir os accesorios que o acompañen.

D. POSTA EN ESCEA (do 1 ao 4)

Criterios avaliáveis: capacidade de presentar o disfraz/espectáculo de forma efectiva, demostrando seguridade, expresividade e actitude.

E. IMPACTO VISUAL (do 1 ao 4)

Criterios avaliáveis: grao de impacto xerado no espectador atendendo á visión xeral do disfraz, considerando a estética, orixinalidade e os detalles amosados.

Aspectos a valorar na categoría **CARROZAS**:

A. ORIXINALIDADE DA TEMÁTICA (do 1 ao 4)

Criterios avaliáveis: creatividade e capacidade de sorprendre á hora de elixir e deseñar a temática da carroza.

B. IMPACTO VISUAL (do 1 ao 4)



CONCELLO DE SADA

Edificio municipal de uso administrativo
Avda. da Mariña, 25
15160 Sada
(A Coruña)
Tfno.: 981 620 075 Fax.: 981 621 274
<https://sede.sada.gal>

Criterios avaliáveis: grao de impacto xerado no espectador atendendo á visión xeral da carroza, considerando a estética, orixinalidade e os detalles amosados.

C. MÚSICA E COREOGRAFÍA (do 1 ao 4)

Criterios avaliáveis: capacidade para elixir a música que mellor acompañe o espectáculo e deseñar unha coreografía que dinamice o desfile e exhibición.

D. ACTITUDE E PARTICIPACIÓN (do 1 ao 4)

Criterios avaliáveis: grao de participación activa dos componentes, traballo en equipo e entusiasmo ao presentar a temática da carroza durante o desfile e exhibición.

E. DISFRAZ E ACCESORIOS (do 1 ao 4)

Criterios avaliáveis: destreza á hora de deseñar os disfraces e accesorios que mellor acompañen a temática da carroza e grao de elaboración propia/artesanal.

6.3. O xurado valorará os disfraces durante o seu paso polo percorrido do desfile, representación e exhibición sobre o escenario.

6.4. O xurado poderá descartar do concurso a aqueles participantes que exhiban condutas que poidan considerarse ofensivas, vexatorias ou ofensivas, tanto cara o público como cara a organización, entendendo por isto as condutas que violenten a dignidade doutras persoas, alén do marco de irreverencia e transgresión festiva propios do Entroido.

6.5. O xurado sumará a puntuación obtida en todos os apartados valorados até obter un resultado numérico da participación dos concursantes en cada categoría.

6.6. O xurado, previa xustificación, poderá declarar desertos algún ou todos os premios a conceder.

7. PREMIOS

Os premios outorgaranse segundo as puntuacións totais obtidas, despois da suma das valoracións parciais de cada compoñente do xurado.

Haberá 3 premios en metálico por cada categoría:

PREMIOS	MINI	GRUPAL	CARROZAS ¹
1º PREMIO	300 €	600 €	1.000 €
2º PREMIO	200 €	450 €	800 €
3º PREMIO	100 €	300 €	600 €

Os premios daranse a coñecer ao remate do desfile. As persoas e colectivos que resulten premiados deberán aportar a documentación necesaria para o cobro do importe que corresponda.

¹ Establecemos unha compensación económica específica para a categoría de CARROZAS, co obxecto de minorar os custos derivados do combustible dos vehículos tractores, os gastos de desprazamento e o posible aluguer de plataformas remolcadas, coas seguintes condicións:



CONCELLO DE SADA

Edificio municipal de uso administrativo
Avda. da Mariña, 25
15160 Sada
(A Coruña)
Tfno.: 981 620 075 Fax.: 981 621 274
<https://sede.sada.gal>

Cada carroza participante recibirá unha contía fixa de 250€ por este concepto, sempre e cando cumplan co requisito de empregar un vehículo de tracción a motor e unha plataforma remolcada.

Se polo número de inscricións recibidas superásemos o importe máximo establecido para este concepto (1.500€) repartiranse de xeito proporcional os 1.500 € entre o número de carrozas inscritas.

As carrozas que decoren unicamente un vehículo pero non equipen plataformas de remolque, ou ben empreguen plataformas pero non necesiten vehículo a motor para a súa mobilidade, percibirán unicamente un máximo de 100€ por este concepto.

8. AVISO SOBRE FISCALIDADE:

Os importes correspondentes aos premios das categorías Grupal e Carrozas poderían estar suxeitos a retencións fiscais, polo que se tomarán as medidas seguintes:

BENEFICIARIAS: o premio imputarase a efectos fiscais entre as persoas beneficiarias. Entenderase que o premio será repartido equitativamente entre varias das persoas integrantes do grupo ou da carroza, ata un máximo de 10.

DOCUMENTACIÓN: cada grupo/carroza premiada deberá designar a un máximo de 10 persoas como beneficiarias a efectos fiscais e designar a unha delas como representante aos efectos do cobro de premios. No caso de obter algún premio, a persoa designada como representante deberá presentar un certificado de conta bancaria do que sexa titular, para poder xestionar a transferencia dos premios.

MENORES DE IDADE: os menores de idade que resulten premiados nalgunha categoría deberán presentar o seu DNI para a tramitación do premio. No caso de que aínda non dispoñan do documento serán as nais/pais/titores as beneficiarias do premio.

9. PARA QUE SE USARÁN OS MEUS DATOS?

Para participar neste concurso é necesario presentar unha folla de inscrición con certos datos persoais. A finalidade do tratamento destes datos é unicamente a realización das xestións necesarias para organizar o concurso. A duración do tratamento será a necesaria para o desenvolvemento da convocatoria ata a entrega de premios. Serán destruídos no prazo máximo dun mes dende a finalización do concurso, salvo que sigan sendo necesarios para a xestión dos premios.

Os datos serán incorporados ao sistema de tratamento do Concello de Sada e, segundo as condicións reguladas legalmente, vostede poderá exercer os seus dereitos de acceso, rectificación, supresión (dereito ao esquecemento), portabilidade, oposición e limitación do tratamento. Os datos non serán obxecto de decisións automatizadas nin serán compartidos con terceiras entidades, nos termos que se establecen na lexislación vixente en materia de protección de datos.

Para realizar consultas relacionadas coa xestión dos datos, as persoas interesadas poden dirixir a súa petición ao enderezo postal Avd. da Mariña 25, 15160 Sada (A Coruña) ou ben facelo a través do enderezo electrónico dpd@sada.gal.

10. CONFORMIDADE

Todas/os participantes, polo feito de selo, aceptan as presentes bases na súa totalidade.



CONCELLO DE SADA

Edificio municipal de uso administrativo
Avda. da Mariña, 25
15160 Sada
(A Coruña)
Tfno.: 981 620 075 Fax.: 981 621 274
<https://sede.sada.gal>

NOTA:

A organización realizará unha cobertura fotográfica dos diferentes momentos do desfile e do concurso de disfraces. As/os participantes, mediante a súa inscrición, consentirán na cesión da súa imaxe para as fotografías que se realizarán durante a celebración do concurso. As fotografías serán utilizadas pola Concellería de Cultura e Normalización Lingüística con fins divulgativos e para a promoción das súas actividades nos seus perfís sociais e páxina web oficiais.

11. ÓRGANO COMPETENTE

O órgano competente para aprobar e resolver o procedemento será a alcaldía, mentres que a instrución e tramitación derivadas das presentes bases serán competencia da Concellería de Cultura e Normalización Lingüística.»

Documento asinado dixitalmente polo alcalde, Óscar Benito Portela Fernández, e o secretario accidental, Juan Esteban Méndez Leiva.